



Noiz eguneratua:
2021/04/28

CADREITARAKO PREBENTZIO NEURRIAK

Maitzaren 6ra arte

COVID-19aren osasun-krisiari aurre egiteko

(COVID-19A)

**Gobernu Irekiaren eta Herritarrentzako Arretaren
Zerbitzua**

Herritarren Arretarako Atala

Prebentzio neurriak

Ezohiko prebentzio-neurri berariazko batzuk ezarri dira Cadreitako udalerrirako (Nafarroa), COVID-19ak eragindako egoera epidemiologikoak izan duen bilakaeraren ondorioz.

Neurri horien helburua da Nafarroako herritarren bizitza eta osasun publikoa babestea, eta, bereziki, pertsona kalteberenak babestea.

Indarraldia

- Neurri hauek **indarrean izanen dira maitzaren 6ra arte, egun hori barne dela.**

Araudia

- Lehendakariaren 29/2021 Foru Dekretua, apirilaren 28koa.

Maitzaren 6ra, egun hori barne.

1. G- Cadreitatik atera eta sar gaitzke?

E- Ez. Cadreitako udalerrian **mugatuak egonen dira jendea libreki sartu eta bertatik ateratzeko mugimenduak, salbu eta behar bezala justifikaturiko joan-etorriak**, arrazoi hauetako batengatik egiten direnak:

- Osasun etxe, zerbitzu eta establezimenduetara joatea.
- Laneko, lanbideko, enpresako, erakundeetako edo lege arloko betebeharrak betetzea.
- Unibertsitateetara, ikastetxeetara eta heziketa zentroetara joatea, barne direla haur hezkuntzako eskolak eta irakaskuntza ez-arautuko akademiak, baita autoeskolak ere.
- Ohiko bizilekura edo familia-bizilekura itzultzea.
- Adinekoei, adingabeei, mendekotasuna dutenei, desgaitasuna dutenei edo bereziki kalteberak direnei arreta ematea eta haiek zaintzea.
- Mugakide diren lurraldeetako finantza eta aseguru entitateetara edo erregai-zerbitzuguneetara joatea.
- Organo publikoen, judizialen edo notarioen aurrean eskatutako jarduketak edo presako jarduketak egitea.
- Baimenak eta agiri ofizialak berritzea, bai eta atzeratu ezin diren beste administrazio-izapide batzuk ere.
- Atzeratu ezin diren azterketa edo proba ofizialak egitea.
- Honako hauetan parte hartzen duten kirol taldeak, kirolariak, teknikariak eta arbitroak:
 - o Estatuko txapelketa ofizial ez-profesionaletan eta Espainiako kirol federazioen menpeko nazioarteko txapelketetan. Haiei aplikatuko zaie Kirol Kontseilu Gorenak Estatuko 2020-2021eko denboraldiko txapelketa ofizial ez-profesionaletara itzultzeko prestatu duen jarduteko protokoloa.
 - Autonomia erkidegoen arteko lehiaketa ofizialak.
 - Horrez gain, maila eta errendimendu handiko kirolariak, atal honetan aipatzen diren lehiaketa ofizialak prestatzeko kontzentrazioetan parte hartzen dutenak.
- Ezinbesteko edo premiazko kasuetan.
- Antzeko beste edozein jarduera egitea, behar bezala egiaztatuta.

2. G- Baimenduta egon arren, Cadreitarako sarrerak eta irteerak justifikatu behar dira?

E- Bai.

- Beharrezkoa da Cadreitatik ateratzeko eta bertara sartzeko egiaztatzea.
- Administrazioek ez dute ibiltzeko baimen berariazkorik emanen.

Nola justifikatzen den:

- Osasun zentro, zerbitzu eta establezimenduetara joatea:
 - Mediku-hitzorduen bidez.
- Laneko, lanbideko, enpresako, erakundeetako edo lege arloko betebeharrak betetzea:
 - Enpresaren ziurtagiriaren bidez.
 - Langile autonomoak: EJZn alta eman izanaren egiaztatzea (azken ordainagiria edo autonomo gisa inskribatuta dagoela egiaztatzen duen beste edozein agiri, instalatzaile ofizialaren txartela, etab.) eta enkargu-oharra, halakorik badago, edo bezeroak egindako zerbitzuaren eskaeraren irudia (argazkia):
 - Hitzorduen frogagiria.
- Unibertsitateetara, ikastetxeetara eta heziketa zentroetara joatea, barne direla haur hezkuntzako eskolak eta irakaskuntza ez-arautua ematen duten akademiak, baita autoeskolak ere.
 - Unibertsitatez kanpoko irakaskuntzak: matrikulazio-orria edo ikastetxeak emandako dokumentua.
 - Unibertsitate-ikasketak: unibertsitate-txartela.
 - Haur Hezkuntzako eskolak: matrikulazio-orria edo ikastetxeak emandako dokumentua.
 - Irakaskuntza ez-arautuak ematen dituzten akademiak, autoeskolak barne: ikastetxeak emandako dokumentua.
- Ohiko bizilekura edo familia-bizilekura itzultzea.
 - NANA edo erroldatze-ziurtagiria.
 - Ohiko etxebizitza ez badator bat NANean agertzen denarekin, orduan aurkeztu behar da errentamendu-kontratua, etxebizitzaren eskriturak, horniduren ordainagiriren bat, etab.
- Adinekoei, adingabeei, mendekotasuna dutenei, desgaitasuna dutenei edo bereziki kalteberak direnei arreta ematea eta haiek zaintzea.
 - Ziurtagiri sozialen edo medikoen bidez.
 - Ziurtagiri sozial edo medikorik ez duten adinekoei dagokienez, arreta jasoko duen pertsonaren NANaren fotokopia.
- Mugakide diren lurraldeetako finantza eta aseguru entitateetara edo erregai-zerbitzuguneetara joatea.

- Hitzorduaren egiaztageria, hitzordurik balego, kudeaketa egiaztatzen duen dokumentua, edo entitateak egindako dokumentua.
- Organo publikoen, judizialen edo notarioen aurrean eskatutako jarduketak edo presako jarduketak egitea.
 - Hitzorduaren egiaztageria, hitzordurik balego, edo kudeaketa egiaztatzen duen dokumentua.
- Baimenak eta agiri ofizialak berritzea, bai eta atzeratu ezin diren beste administrazio-izapide batzuk ere:
 - Hitzorduaren egiaztageria, hitzordurik balego, edo kudeaketa egiaztatzen duen dokumentua.
- Atzeratu ezin diren azterketa edo proba ofizialak egitea.
 - Zentroak emandako dokumentua edo onartuen behin betiko zerrendak aurkeztea.
- Kirol taldeak, kirolariak, teknikariak eta arbitroak.
 - Izen-ematea, tasen ordainageria (egonez gero), lehiaketaren egutegi ofiziala edo beste edozein egiaztageri.
- Ezinbesteko edo premiazko kasuengatik, eta antzeko beste edozein jarduerarengatik, behar bezala egiaztatuta:
 - Beharra edo premia egiaztatuz.

3. G- Etxetik atera gaitzke?

E- Bai, posible da etxetik ateratzea, mugikortasuna ez baitago mugatua Cadreitako udalerrriaren **barrenean**.

Berez, hauxe mugatu da: **jendea** udalerrira libreki sartu eta ateratzea, non eta ez den aurreko galderaren erantzunean adierazitako salbuespen bat.

4. G- Errepidez zirkulatzean Cadreita zeharkatu al daiteke?

E- Bai. Udal-mugartea gurutzatzen duten errepideetan eta bideetan zirkulatzea baimenduta dago, baldin eta bidaiaren jatorria eta helmuga udal-mugartetik kanpo badaude.

5. G- Etxeratzeko aginduak indarrean jarraitzen du?

E- Bai.

Nafarroako gainerako tokietan bezala, **ezin da ibili** erabilera publikoko bide edo espazioetatik, **23:00etatik 06:00etara bitartean**.

6. G- Ba al da salbuespenik etxeratzeko aginduan?

E- Bai. Salbuespen batzuk daude etxeratzeko aginduan, Nafarroako gainerako tokietan bezala.

23:00etatik 06:00etara bitartean, jarduera hauek egiteko bakarrik ibiltzen ahalko da Nafarroako Foru Komunitateko erabilera publikoko bide edo espazioetan:

- Sendagaiak, osasun produktuak eta premia biziko beste ondasun batzuk erostea.
- Osasun etxe, zerbitzu eta establezimenduetara joatea.
- Larrialdiko arrazoiengatik albaitaritzako zentroetara joatea.
- Laneko, lanbideko, enpresako, erakundeetako edo lege arloko betebeharrak betetzea.
- Ohiko bizilekura itzultzea, apartatu honetan ezarritako jardueretako batzuk egin ondoren.
- Adinekoei, adingabeei, mendekotasuna dutenei, desgaitasuna dutenei edo bereziki kalteberak direnei arreta ematea eta haiek zaintzea.
- Ezinbesteko edo premiazko kasuetan.
- Antzeko beste edozein jarduera egitea, behar bezala egiaztatuta.
- Gasolindegietan edo erregai-zerbitzuguneetan depositua betetzea, aurreko paragrafoetan aurreikusitako jarduerak egiteko beharrezkoa denean.

7. G- Zenbat pertsona bil gaitzke espazio publikoetan?

E- -Nafarroako gainerako tokietan bezala:

- **Espazio publiko itxietan lau pertsona** bildu daitezke **gehienez**, salbu eta bizikideak badira.
- **Espazio publiko irekietan sei pertsona** bildu daitezke **gehienez**, salbu eta bizikideak badira.

Mugatzen, baldintzatzen edo debekatzen ahalko dira igarobide publikoetan egiten diren bilerak eta manifestazioak, hots, Konstituzioaren 21. artikuluan araututako oinarrizko eskubidea erabiliz egindakoak, baldin eta ez bada bermatzen kutsatzeak eragozteko behar den segurtasun-tartea sustatzaileek aurkeztutako alde zuzeneko jakinarazpenean.

8. G- Zenbat pertsona bil gaitzke bilera pribatu batean?

E- Nafarroako gainerako tokietan bezala:

Espazio pribatuetan, **bizikideak baizik ezin dira elkartu.**

Ez dira sartuko biltzeko muga horretan:

- laneko edo erakundeetako jarduerak, garraioarenak edo Hezkuntzari buruzko Lege Organikoaren 3. artikuluko irakaskuntzak ematen dituzten ikastetxeenak, unibertsitateko irakaskuntza barne; era berean, ez dira sartuko aplikatzekoak diren arauetan berariazko neurriak ezarriz arautzen diren horiek.

9. G- Zein neurri bete behar dituzte ostalaritzako establezimenduek eta jatetxeek?

E-. Nafarroako gainerako tokietan bezala:

Ezin da barnealdean kontsumitu

- **Debeku da** honako hauetarako lizentzia duten establezimenduen **barnealdean kontsumitzea**: taberna bereziak, ikuskizunetarako kafetegiak, tabernak, kafetegiak eta jatetxeak.
- Barnealdea itxi beharretik **salbuetsita** daude honako hauek:
 - o **Hoteletako eta bestelako ostatu** jantokiek otorduetako zerbitzua ematen ahalko diete bertan **ostatu hartzen dutenei**. Horretarako, zorrotz bete beharko dira osasun arloko prebentzio neurri orokorrak, eta **gehienez lau lagun** egoten ahalko dira mahaiko.
 - o **Zentro eta zerbitzu sanitarioen eta soziosanitarioen barneko zerbitzuak, eskola eta unibertsitateetako jantokiak eta jantoki sozialeko zerbitzuak.**

Kanpoaldeko terrazak: zabalik

- Establezimenduetako terrazek **zabalik jarraitzen ahalko dute Nafarroako gainerako tokietarako ezarritako baldintza beretan** (Osasuneko kontseilariaren otsailaren 23ko 5/2021 Foru Agindua).
 - o **Ordutegia: 21:00ak arte**, husteko lanak barne.
 - o **Maskara erabiltzea nahitaezkoa** izanen da beti, salbu eta edateko edo jateko unean.
 - o **Mahaien arteko tartea: 2 metro**
 - o **Mahaian eta eserita eginen da beti kontsumoa**

- **Debekaturik dago** erretzea, zigarreta elektronikoak barne, edo nikotina bota dezaketen gailuak erabiltzea, **baldin eta ezin bada bermatu 2 metroko segurtasun-tartea. Bezeroei ez erretzeko gomendatzen zaie.**
- **Mahai bakoitzeko jende kopurua: lau.**
- **70 cm baino gutxiagoko aldea edo diametroa duten mahaien eta/edo upelen bueltan: gehienez ere bi pertsona, eserita.**

Ogia eta/edo eramateko kafea saltzea

- Ogia eta/edo eramateko kafea saltzen duten establezimenduek baimena dute zerbitzu hori emateko (**baina ezin da establezimenduan kontsumitu**). 21:00etan itxi beharko dute beranduenez.

10. G- Ba al da aldaketarik gainerako neurrietan?

E- Ez. Beste sektoreetarako gainerako neurriak eta edukierak bere horretan geldituko dira; Nafarroako gainerako tokietarako dauden neurri berberak aplikatuko dira. [Esteka](#) honetan irakur ditzakezu.